

KUATE AHIA TOUPA PAHTAK

Jamson

Kal paita Toupani pen in Pathian a diing a hun awl I neihte lel piak diing hilou a hun manpha I neihte amah a dia piak diing ahidante ina genta uh. Pathian in ei akipan a chihtakna leh enleng manpha isakte mah hon giat ahidante leh hun awl neih ziak maimai a Pathian bia a amah nasepna Pathian in pakta lotellou diing ahidante ina genzouta uhi. Tuni in leng huaitoh kizawitawn mah in saulou kikumkhawm nawn lehang I chi uhi. Hun awl neih ziak lel hiam, Toupa a diing ahih chiang a ahoihloupén, I deihloupente pia a, Toupa a diing a hih chiang a suanlam bawl a hun neihlouna, sep diing dang neihloun ziak lel hiam a Pathian nasepna Pathian in kipahpilhoun ahihleh kua bangte Toupan pakta hiam chih saulou in I taklang diing uh.

Pathian thu toh kisai a suanlam himhim bawllou a, hih diing dang neihloun ziak lel hilou a Pathian thu ngai a zuite mah ahi Toupan a pahtak mite. Ann kuang luina thupi Gentehna thu akipan in suanlam bawl na kichi Toupan deihloun a, huchibang a omna in amah pahtak mi hon hisak theiloun ahidant zillai hoihtak a hon pia hi. Hiai gentehna a annkuang um diing a chial a omte'n a gam lei bang suanlam in a zang ua (Luke 14:18), a khente'n a bawng tuak leithakte bang suanlam a zang in annkuang luina a telkei uhi (Luke 14:19).

Huan khenkhat ten lah a zi neih thak bang suanlam in a zang ua, a chial tupa a thupi ngaihkei uhi (Luke 14:20). Hiai bang a suanlam taklou chikchikte a bawl ziak un a chial tupa a suthangpai ua "ka michialte kuamah in ka annkuang a chiamkei diing uh" chi in thutanna a bawl hial hi (Luke 14:14). Huaiziak in Toupa paktak mi ihih theih samna diing in ama nasepna leh bikna-te a suanlam bawl hetlou diing ahi chih I theithei uhi.

Toupa'n bang chibang mite pakta a kipahpilhoun hiam chih I chetsemna diing in I Laisiangthou sung a I muh Toupan ana paktak mi khenkhat I taklang diing uh.

1. Abraham – Toupan Abraham a gam, a mite leh a pa innkuante nusia a a etsak diing gam zuan a pai diing in asam a, suanlam himhim bawllou in a gam, a mite leh a pa innkuante nusia in a pawtkhia hi (Genesis 12:1,4). Hiai ah Abraham in suanlam bawl ut hileh a suanlam diing tampi a nei diing. A gam, a pu-a-pa luguhphumna gam nutsiat a chikmah a leng a muh ngei hilou gamzuan

a pai diing chih. A pa innkuante tengteng nutsiat diing chihte thil namai ahikei a, suanlam taklua ngenta ahi uhi. Na tapa Isak in hon laan in a chihlai in hiai ka tapa neihsun hi a maw Toupa chi in suanlam a bawl sesekei a Pathian chih bang bang in a hihmai hi. Pathian thupiak zah a ahihna bangtak a thupiak a zuihna ah Abraham tuh Toupa pahtak a kai hi.

2. Jesu Nungzui Simon leh Andru-te unau – Jesun amah zui diing a asaplay un suanlam bangmah bawl hetlou in Jesu sapna a sang uh a, huaiziak mah in pahtak loh in nungzui sawmlenihte lak a diing in tel in a om uhi. Hiai a unau nih Simon leh Andru ten suanlam bawl ut hileh uh a suanlam diing uh tampi a om. Nga mat a nekmuhna uh ahi a, huai mah tuh a innkuante' kinkakna ahi. Hiai nusia a Jesu zuih diing kichi thil haksapi ahi. Himahleh a pa, a lente uh nusia in Jesu a sapna pen a poimoh ngaihazaw ua, Toupa pahtak mi ahi mai uhi (Marka 1:4; Matt. 4:12).

3. Levi – A nekwonna siahkhon ahi a, himahleh Jesun nungzui diing a sapna a ngah in a nekwonna nusia in Jesu a zui hi (Marka 2:14). Nang leh kei Levi hileh hang Jesun a nungzui diing Levi a saplay in bang chin I dong diing ua? Toupa hiai siahkhon ka niteng nekmuhna ahi in hiai nusia in hon zuita leng kei leh ka innkuante'n bang neta diing chih hikhamohlou diing ahi.

4. Noah - Pathian in long sui diing in thu apia a, huan long suihna a sing zat diing a bikhiahsak lai hi. Toupa thupiakte a phunlou paulou a a chih bangbang a Noah in a hih ziak in (Genesis 6:22) Toupa pahtak a hong hi a Tuichiim akipan in suahtak sak in a om uhi.

CONTACT ADDRESS

Church Of Christ, Delhi,
Rz-2008/25, House No, 13, S.F.
Tuglakabad Extension, New Delhi-110019
Phone No. : 9953968807
email: khriissuangphum@gmail.com

'KHRIS' SUANGPHUM, A WEEKLY BULLETIN FOR THE MEMBERS
OF THE CHURCH OF CHRIST, DELHI, ON THE FIRST DAY OF THE WEEK'

Enkaitu: Jamson Guite | Panpihtu: Kham Minthang | Jangthang

BIBLE CLASS

Class	Teacher
Adult	: James, Thawngsiandong
Inter.	: Khamminthang
Primary	: Kimpi

TUNI BIAKKHAWMNA PROGRAMME

Thumna Hun-uk: Thangbiakmang
Lapitu : Lambiaksang
Thilpiak : Janglet
Theihgigena : Pauminlun
Thuhilhtu : Jamson
Thumna : Lamsuanmung

Last Sunday (21/07/2013)

Offerings = ₹ 12,945/-

HONGZIN

✓ Sepna ziak a Dubai a om unaupa Chinpau in innlam hong phazual hi. Tun i lak uah omlel a, tukal sung ngei a asepa lam zuan a honna paikiksan nawnpah diing hi in thutut kingah hi. Sawt kuamtak nung a dam a mel kimu thei a Pathian i phatkhawm theih man un kipahuai isa petmah uhi.

✓ Unaupa Lutremsiam leng Haryana akipan in unaute toh biakhawmna ngaihnaatna ziak liauliau in Delhi hongzin a, kal paita Toupani in biakhawmna ah hong tel hi. Amah ahieh tulel a S.I sem a om ahi. Unaute a ngaihnaatna phathuai isa petmah uhi. Kal paita seppatni in a sepa lam zuan in honn kiksian nawn-ta hi.

✓ Unaunu Vasti leng kal paita sung in Mumbai akipan in Delhi hongzin hi. A pasal Delhi a ahong kisuan ziak in anih un hiallam a innluah in khosa tadih phot diing uhi. Tun innluah diing zong in buai mahmah lel uh.

KIKNAWNTA

✓ Kallui a Delhi hongzin un- aupa Khamlianmang-te innkuan in leng honna paikiksan nawn-ta uhi. Unaupa Khamlianmang pen Jammu and Kashmir lam a akisuan-tak ziak in huailam ah ana pai a, a innkuanpihte'n bel Lamka lam honna zotsan uhi.

THOUGHT OF THE WEEK

Himahleh eizaw nungtolh a mangthangte i hikei ua, ginna nei a hotdamte i hizaw uhi (Hebrute 10:39)

THU TUAMTUAM**DAMLOU**

✓ Unaupa Thangzalam tapa Nenglian damlouhna khenkhat ziak in kal paita Toupani biakhawmna ah hong tel theilou hi. Tun bel Pathian panpihna toh ahoihlam hi a theih ahi.

✓ Khumnunsiam d/o unaupa Thangzalam leng hiitang khosik a nibang zah hiam a om nung in Pathian panpihna toh damsianta a, biakhawmna ah leng hong telzouta hi.

✓ Unaunu Vungi leng kal paita sung in sungkhoh santen leh khosik in bawm a, tunbel Pathian panpihna toh a damlam hita hi. Tuni Chiang dong a ki etkolna lamzang touzel hi a theih ahiman in kipahuai isa uhi. Unaute'n i thumnate uah phawk touzel ni hang.

✓ Tuma lam a New Lamka akipan a hongzin unaunu Chiinlian-ching a tai lak a abok lianpi a om ziak in ana ki ensak a, at ngai diing hi in doctorte'n gen ua, a at hun diing chet bel theih chet hinailou hi. Unaute'n i thumnate uah phawk ni hang.

KALNAWN BIAKKHAWMNA PROGRAMME

Thumna Hun-uk: Thangbiaklun
Lapitu : Pauliansiam
Thilpiak : James
Theihgigena : Thongginlian
Thuhilhtu : Khenpi
Thumna : Lianminthang Jr.

KAISANG

✓ Muanhuai tak apen thu kingah dan in unaunu H. Ngaihlun Asst. Grade akipan in Section officer ah ana kaisang hi. Unaunu lohchinna kuapeuhman in i kipaphi chiat ua, lohchinna hon pia Pathian min i phat uhi. Toupa Thupha!

BIAKNA PROGRAM

✓ August kiginni biakna program bawlkhit hinawnta hi. Kuapeuhmah in eimah copy diing i kilak chiat diing a, i tante a hoih thei bangpen in suk buchun sawm chiat ni hang. Huan lemtan louhna ziak a tan latheilou diingte'n a baihthei bangpen a preacher zaksak ngeingei diing ahi.

HONGTUNG

✓ Nipi hun awl zang diing a tuma lam Lamka lam a ana zinkhia unaupa Dongkhanlian-te nupa leng hun sawtkuamtak huai lam a ava om nung un kal masa lam in damtak in Delhi hongtung kiknawnta uhi.

KIZASAK ZEL THEI LE

✓ I lak ua zinkhia, hongtung, damlou leh thu tuamtam i theihte Khriis suangphum saite zaksak theizel lehang a deihhuai hi. Suahtuak khenkhat bang suahhak-louh ahieh Chiang in bang chidan a de aw chih omthei hi.

KIGINNI BIAKNA PROGRAMME

A Mun : Thangbiaklun inn.

Tughlakabad extn.

A Hun - 6:30 pm

Hun-uk : Thongginlian

Lapitu : Lianboi

Thuhilhtu : Pauminthang

Thumna : Jangthang